

EVANS, FREDERICK ('Ednyfed'; 1840 - 1897), gweinidog y Bedyddwyr

Enw: Frederick Evans
Ffugenw: Ednyfed
Dyddiad geni: 1840
Dyddiad marw: 1897
Priod: Frances Evans (née Williams)
Rhiant: Mary Evans
Rhiant: William Evans
Rhyw: Gwryw
Galwedigaeth: gweinidog y Bedyddwyr
Maes gweithgaredd: Crefydd
Awdur: David Emrys Evans

Ganwyd yn Llandybie, 21 Ebrill 1840, mab hynaf William a Mary Evans, a brawd [T. V. Evans](#). Dechreuodd bregethu yn 1856 gyda'r Methodistiaid Wesleiaidd. Ymunodd â'r Bedyddwyr yn 1857. Ar ôl cyfnod yn academi Brynmawr, aeth i Goleg Pontyp I yn 1858. Ordeiniwyd ef yn Llangynidr, sir Frycheiniog, 1861, ac yno priododd Frances Williams. Mudodd i'r Unol Daleithiau yn 1866, ac aeth yn fugail ar yr eglwys Gymraeg yn Scranton, Pa. (1867-70). Yna troes i'r weinidogaeth Saesneg, a bu yn ei dro yn fugail ar eglwys Laight Street a'r Eglwys Ganol yn Forty-second Street, Efrog Newydd (1870-4), Eglwys Fedyddiedig Gyntaf Franklin, Pa. (1874-85), yr hen Ddegfed Eglwys, Philadelphia (1885-92), a'r Eglwys Fedyddiedig Gyntaf, Milwaukee (1892-7). Yn ystod ei fugeiliaeth yn Franklin treuliodd flwyddyn yng Nghymru yn weinidog Salem, Maesteg. Bu farw yn Llandybie, 21 Gorffennaf 1897. Yr oedd yn r amlwg ymysg Cymry 'r Unol Daleithiau fel pregethwr, darlithydd, beirniad, ac arweinydd eisteddfodol. Bu'n arweinydd hefyd yn yr eisteddfod genedlaethol ac eisteddfodau eraill yn ystod ei ymweliadau mynych â Chymru.

Awdur

Syr David Emrys Evans, (1891 - 1966)

Ffynonellau

Frederick Evans, D.D. (Ednyfed) a memorial (gol. B. D. Thomas) (Philadelphia, 1899)

Dolenni Ychwanegol

Wikidata: [Q20733061](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

